

Izjava OHR-a na konferenciji za medije međunarodnih organizacija u Mostaru

BiH mora pristupiti rješavanju predstojeće krize Budžeta

Kao što znate, u Briselu je prošle sedmice Upravni odbor Vijeća za implementaciju mira pozvao državne i entitetske vlasti da počnu raditi na pitanju neodrživih troškova vlasti, koja sada troši više od polovine ekonomske proizvodnje u državi. Nepravilna administrativna struktura znači da građani daju previše novaca za premale usluge. U svakom slučaju, u vladine blagajne ne dolazi dovoljno novca da bi se održao golemi administrativni aparat.

Ako se rješavanju ovoga pitanja ne pristupi u prvoj polovini 2005., bit će nemoguće da do kraja ove godine vlasti ispune svoje obaveze koje se odnose na isplaćivanje plata državnim službenicima.

Sutra poslijepodne će tri ministra finansija u OHR-u sazvati prvi sastanak Radne grupe za fiskalnu održivost. Ova radna grupa će do početka proljeća napraviti preporuke ministima finansija kako smanjiti troškove i poboljšati kvalitetu uprave na svim nivoima u BiH. Uz ministre finansija, u sastavu Radne grupe bit će eksperti iz ministarstva finansija, kantona, te univerziteta, kao i predstavnici MMF-a i Svjetske Banke. PDHR Hays će imati ulogu koordinatora i sekretarijata OHR-a.

Radna grupa će sačinjavati prijedloga osnovu tehničkih kriterija kako se može doći do ušteta. Onda će biti na vlastima i parlamentima da odluče šta činiti dalje. U svakom slučaju morat će djelovati brzo i efikasno ako BiH želi izbjeći fiskalni krah u narednih 18 mjeseci.

Tokom sastanka će biti upriličen susret s medijima. O tome

ćemo vas obavijestiti u saopštenju za medije kojeg ćemo objaviti tokom dana.

Visoki predstavnik se pridružio policijskoj patroli

Visoki predstavnik Paddy Ashdown je trenutno u Tešnju. Ovog jutra se pridružio policajcima koji patroliraju između Ustora i Tešnja. Visoki predstavnik je jučer bio u Dobroju gdje se susretao sa policajcima tijekom obavljanja njihovih redovnih dužnosti. Visoki predstavnik želi čuti mišljenja policajaca o policijskoj reformi u svijetlu objavljivanja preporuka predsjedavajućeg Komisije za reformu policije prošle sedmice. Sadašnjem policijskom sistemu potrebna je reforma i svi se slažu da on ne funkcioniše kako bi trebao,, Visoki predstavnik želi čuti o problemima sa kojima se suočavaju institucije za provedbu zakona od samih policijskih službenika.

U 12.00 sati Visoki predstavnik će učestvovati uživo u lokalnom televizijskom programu na TV Amna, gdje će govoriti o svojim opažanjima u protekla dva dana.

Kao što znate, izvještaj preporučuje uspostavljanje zajedničke structure, koja ukoliko se implementira je napravljena da pruža građanima BiH efektivnije i dostupnije policijske snage koje su finansijski samoodržive i oslobođene političkih uplitanja. Restruktuiranje policije je također zahtjev za približavanje Sporazumu o stabilizaciji i pridruživanju Evropskoj uniji.

Trenutno, policijske snage BiH su iscjepkane i ograničene u kretanju što ostavlja dovoljno prostora i vremena za djelovanje kriminalaca.